

NIPT ta para pa Test Anti-Invasivo Prenatal

NIPT (Non-Invasive Prenatal Test), ta un tèst invasivo prenatal. Ta un manera nobo di hasi un screening di un beibi ku no a nase ainda (evaluashon prenatal) ku un grado haltu pa detekta kromosomanan apnormal ku por resulta den Down syndrome (trisomy 21), Edward syndrome (trisomy 18), Patau syndrome (trisomy 13) i tambe e sekso di bo yu. E nifikason di "trisimony" ta ku un bebi tin un èkstra kromosoma den un parti òf tur parti di e sèl i kada un tin nan estimado number.

E tèst aki ta analisá fragmèntnan chikí di e DNA ku ta sirkulá den e sanger di e hende muhé embarasá. Durante e embarazo, e fluho di sanger di e hende muhé embarasá ta konsistí di un meskla di e DNA ku ta bini for di su mes sèlnan i sèl di e plasenta. E plasenta ta situá den e matris kual ta konektá ku e fetu i e sanger di e mama. E sèlnan aki ta di skir den e sírkulo di sanger di e mama durante embarazo.

Bo mester ta por lo ménos 11 siman na estado pa por hasi e NIPT. I tampoko no tin riesgo adishonal di mal parto despues ku a kaba di hasi NIPT.

Solamente ku Sita

Nos ta tra solamente ku sita, pues si bo ke hasi un NIPT, bo mes por traha un sita ku nos libremente.

Tèst

Kon e tèst ta funshoná?

NIPT ta wòrdu konsiderá komo Anti- invasivo paso e ta solamente rekerí pa saka sanger for di e hende muhé na estado i no t apone e fetus na peliger. Durante di NIPT, un tekniko di laboratorio lo saka sanger for di man ku angua ku un tubu. Ta manda esaki pa laboratorio, kaminda e tekniko lo chek e DNA den bo sanger pa wak si tin señal di algu apnormal.

Resultado

Un NIPT ta un tèst di screening, pues esaki ta nifiká ku e no ta bai duna un kontestá definitivo riba e kondishon genétiko di un fetu. E tèst ta solamente duna un balotashon si e chèns pa riesgo ta mas haltu òf mas abou.

Ki ora bo ta haña bo resultado?

Si nos no a haña niun apnormalidat den e resultado di e NIPT tèst, bo lo risibí e resultado, pero si e tèst no ta satisfaktorio òf si tin un resultado diferente nos lo yama bo.

Tips Práktiko

Kiko bo mester trese huntu ku bo ora bo bin hòspital?

Tur sita ku bo tin den hòspital, bo mester trese un identifikashon válido di bo ID, bo karchi di pashènt/karchi di CMC i bo karchi di seguro.

Revisá bo seguro di salú

Ta bo responsabilidat pa chèk wak si bo ta sigurá pa e kuido ku bo a bin risibí na hòspital. Pesei ta hopi importante pa bo chèk bo pólisa di kondishon promé ku bo bin hòspital, i/òf chèk tambe ku bo seguro di kuido.

Training

Na CMC nos ta entrená zùster, ko asistente, dòkter i otro personal di kuido. Esaki ta nifiká ku mayoria personal di kuido por ta presenté ora bo bai tra bo sita. Por sosodé ku bo ta wòrdu eksaminá i tratá pa un personal ku ta tumando su kurso, pero sa semper ku e trahado di kuido aki ta tra bou di supervishon di un personal kualifiká.

Fuente: Jeroen Bosch Hospital